

# Ikan kembung lima sen seekor

Sinar Harian 22/7/2018 M/S 15

Ikan habis dijual dalam masa setengah jam

SITI ZUBAIDAH ZAKARAYA

SUNGAI PETANI

**SUNGAI PETANI**- Dalam tempoh setengah jam, 6,000 ekor ikan kembung habis dijual dekat pasar kampung depan Masjid Al Majidi Sungai Layar gara-gara peniaga menawarkan harga serendah lima sen seekor.

Khairool Azelan Johari, 37, berkata, promosi itu telah dilaksanakan buat kali kedua dalam tempoh tiga bulan kebelakangan ini.

Menurutnya, tawaran harga murah itu bukan sekadar memberi peluang kepada golongan kurang mampu sebaliknya lebih kepada berniat sedekah.

"Apa yang kita ada rezeki tu dikongsi bersama sebab bukan semua orang boleh makan ikan kerana harga yang mahal," katanya.

Menurut Khairool Azelan, sebelum ini dia pernah menawarkan harga ikan



Biarpun lama menunggu, pelanggan tidak berganjak untuk mendapatkan ikan dengan harga murah.

info

kembung 10 sen, 20 sen dan 30 sen bergantung kepada bekalan yang diperolehi sekitar Kota Kuala Muda, Tanjung Dawai, Kuala Kedah, Kuala Perlis dan Pulau Pangkor.

Bagaimanapun, kali ini, setiap pelanggan hanya dihadkan membeli 40 ekor ikan lima sen bersamaan RM2 bagi mengelakkan pelanggan lain pulang tangan kosong setelah menunggu lama untuk mendapatkan ikan.

"Ketika ini kami per-

Ikan kembung tergolong dalam kumpulan scombridae, kumpulan yang sama dengan tuna. Merupakan ikan laut yang terdapat di lautan Pasifik, Hindi dan Atlantik. Mempunyai bentuk badan yang lonjong, berisi dan tangkas.

kembung dijual lima sen seekor habis dalam masa setengah jam diikuti 4,000 ekor ikan dijual dengan harga 30 sen habis dalam tempoh sejam lebih.

"Sebelum ini kami per-

nah jual udang galah seekor 70 sen, cencaru 20 sen, ayam RM5 sekilogram dan lain-lain jualan," katanya.

Pelanggan, Nur Hayu Ismail, 30, dari Bedong sempat mendapatkan 40 ekor



Khairool Azelan (kiri) melayan pelanggan yang mula memenuhi kedainya sebelum jam 3 petang.

ikan dengan hanya RM2.

Menurutnya, dia bersama kakak, Noraliza, 38, tidak melepaskan peluang sampai ke kedai itu sebelum jam 3 petang iaitu sebelum jualan bermula bagi mendapatkan ikan dengan harga murah.

"Ikan kecil depa jual lima sen seekor, sat saja habis, hat besar sikit depa jual tiga ku-pang seekor," katanya.

Sementara itu, Juniza Yaacob, 35 berkata, sebaik sampai, orang ramai mula memenuhi ruang kaki lima

kedai dan ada yang mula berbut serta bersesak-sesak.

Katanya, jualan berkenaan dapat membantu golongan berpendapatan rendah dan juga mereka yang ada anak yang ramai.

Sementara itu, Shamsiah Dolah, 43, dari Flat Paya Nahu berkata, kehadiran pertama kali berbaloi apabila dapat membeli ikan kembung dengan harga sangat murah.

"La ni semua barang mahai, bila ada yang murah terus mai tengok," katanya.

## Harga murah untuk bantu orang susah

**HARGA** ikan kembung 10 sen seekor menyebabkan orang ramai berpusu-pusu ber kunjung ke sebuah gerai yang beroperasi di Taman Lembah Bujang Fasa 5 di Merbok.

Ramai yang membeli ikan kembung atau ikan temung yang dijual dengan harga paling murah 10 sen seekor.

Menurut Anwar Ismail, 36, ikan dengan harga murah untuk menghargai pelanggan setia selain membantu golongan kurang ber kemampuan mendapatkan ikan segar dengan harga murah.

Menurutnya, ikan berkenaan dijual di gerainya dengan harga 10 sen pada hari tertentu sahaja sekiranya mendapat harga murah dari pembekal.

"Idea ini dicetuskan isteri

selepas melihat udang galah yang dijual dengan harga RM1 seekor di sekitar daerah mendapat perhatian ramai," katanya kepada Sinar Harian.

Menurutnya, dia tidak menyangka keputusannya berbuat demikian mencetus fenomena sehingga menjadi tular dan menarik terlalu ramai pengunjung ke kedainya.

"Namun, saya minta maaf buat mereka yang mai jauh semata-mata nak beli ikan seekor sekupang tetapi tak dapat sebab terlalu laris," katanya.

Bagaimanapun, katanya, harga berkenaan hanya ditawarkan bagi ikan bersaiz tertentu, tidak tertakluk kepada ikan bersaiz besar atau ikan jenis lain yang turut dijual.



Gambar tular mengenai jualan ikan seekor 10 sen di Taman Lembah Bujang, Merbok.

Katanya, dalam tempoh sehari, sebanyak 6,000 ekor ikan sahaja dihadkan dijual dengan 10 sen.

Selebihnya, dia turut

mendapat pelbagai jenis ikan lain termasuk siakap, cencaru, jenahak, selain sotong, udang, ayam serta barang runcit lain.



Orang ramai berpusu-pusu mendapatkan ikan kembung yang dijual dengan harga murah.